

靈寶領教濟度金書卷之二百五十九

黎三

靈寶領教濟度金書卷之二百五十九 黎三

洞微高士開光救苦真人竊全真授

靈寶通玄弘教水南先生林靈真編

科儀立成品

禳蝗設醮儀

步虛 燒香頌

各禮師存念如法

宣衛靈呪

五星列照 煥明五方 水星却災 木德致昌

災惑消禍 太白辟兵 鎮星四據 家國利亨

名刊玉簡 字錄帝房 乘飈散景 飛騰太空  
出入冥無 遊宴十方 五雲浮蓋 招神攝風  
役使萬靈 上衛仙翁和與道合真

鳴法鼓二十四通

无上三天玄元始三炁太上道君召出臣身

黎三

中三五功曹左右官使者侍香金童傳言玉  
女五帝直符直日香官各三十二人出出者  
嚴裝關啓玄壇天帝神君當召此間土地里  
域真官正神急上關啓臣今奉爲入齋意以  
今陞壇設醮願得

玉清道炁靈寶妙光下降流入臣等身中即  
使玄壇清淨內外成真天無氛穢地絕妖塵  
琳琅振響十方肅靜萬魔不干真誠上徹令  
臣所啓速達徑御

太上无極大道至真玉皇上帝御前

請稱法位

具位臣某與臨壇官衆等謹同誠上啓

太上无極大道玉清聖境元始天尊妙无上  
帝上清真境靈寶天尊太清仙境道德天尊  
混元皇帝玉皇大天尊玄穹高上帝中天北

極紫微大帝太微上宮天皇大帝后土皇地  
祇九天生神上帝五靈五老上帝三十二天  
帝君上清十一大曜星君南斗六司真君北  
斗七元真君二十八宿星君天田星君八穀  
星君泰玄樞機三省上相真君靈寶五師真  
君三元三官帝君北極四聖真君三天曹局  
諸司真君十方無極飛天神王五天三界大  
魔王三天門下三元真君上章詞表靈官三  
洞四輔經籙法科上相高真神仙將吏五嶽  
五帝真君五天聖帝名山洞府洞天福地靖

黎三

二

廬治化得道仙官本派祖玄真師經籍度師  
真人東嶽掌苗稼仙官掌蝗蟲案仙官田  
家祀典聖衆地水二司城隍社令里域土地  
三界官屬一切真靈臣聞祖炁鴻濛密彌羅  
於五太神光混洞潛昭煥於三才真風磅礴  
以恢張聖日陸離而幹運上極無上莫逃經  
緯之中高拱彌高孰越陰陽之表生成有賴  
化育無私臣等螢爝短材蚓鳴弱韻迴黃抱  
紫徒縈塵棘以卑棲出青入玄莫附煙林之  
高蹈由中切切語上兢兢緬惟補過以立功

所貴學真而領教今醮官某等勤拳藹志激  
越葵忱慨田禾之將成遭妖蝗之盡蝕修齋  
築壇諒荷掃除設醮鋪壇盍陳報効敢露獺  
豺之敬爰伸螻蟻之私欲望帝監昭回天心  
洞煥千乘萬騎俱行幸於玄虛九鳳八鸞普  
來臨於碧落十極之丹輿混合九華之綠輦  
參隨三界翼轅萬仙駸駕式副再三之禱不  
遺萬一之懷臣等不勝拳切祈俟之至謹稽  
首再拜奏請

請聖

初獻

重稱法位

具位臣某與臨壇官衆等謹同誠上啓

三清上聖十極玄尊圓穹之帝后仙真方域  
之曹僚主執醮筵內外一切威靈臣聞八威  
龍文微妙散赤明之始九霄鳳炁光華凝延  
康之初皆上贊於九皇而下敷於三極道非  
常道建日月而運星辰玄之又玄奠山川而  
毓草木人稟靈於四象性並立於兩儀得一  
分精函三孕粹倘殫誠之傾禱盍昭聽以留  
情今醮官某籲天拳拳扣地切切念田疇之



將熟雀蝗螟之肆災結陣如雲歷林木盡殘  
其枝葉逐群若雨遇禾稻都啣其根株掩白  
日以無光障青山而失翠農人愁歎野老顰  
呻既顆粒之無收曷豐登之有望切慮居聯  
井落家近町畦指日月而唾星辰怨虹蜺而

怒風雨厭棄五穀不思衣食之有源傲忽三  
綱自恃飢寒之莫及殺生淫祀送死虛悲感  
應篇之條律昭然豈知戒懼中誠經之憲章  
爛若弗念脩持致顯錄於玄曹遂大書於黑  
籍易招神怒因降天災首過雪愆倘不精於

懺謝迎祥集慶曷克保於康寧庸築星壇恭  
鋪月陞奠十華之龍璧旌葆飄飄羅四極之  
鳳繒香花菡粲修齋諄切設醮勤渠願盡掃  
於前非期普錄於今是驅蝗遣戾赦惡除殃  
俾穰穰豐高下之田庶離離實小大之粟全  
家飽暖闔室歡愉寸丹恭露於青詞尺素敬  
陳於洪造謹當宣奏仰冀監知

黎三

四

### 宣詞

詞旨具陳聖心昭應威顏咫尺格葑菲以時  
歆睟容再三詢芻蕘而日監蘋蘩可薦黍稷

非馨月籟流明間步虛之縹緲雲鏞振響隨  
梵唱之徘徊龍箏騰百和之芳鳳炬粲五華  
之麗珠彞泛玉翠竿流金冀垂惠下之仁恪  
副由中之禱臣不勝虔切俟命之至

亞獻

重稱法位

具位臣某與臨壇官衆等謹同誠上啓

三清上聖十極玄尊圓穹之帝后仙真方域  
之曹僚主執醮筵內外一切真靈臣聞視聽  
自民孰謂人道邇而天道遠禍福由己誰察

此心褊而彼心奢故災祥發在德之言而慶  
殃由作善之判奉幣以告既精祲之潛通設  
醴而陳諒監臨之密應伏願蝗蟲遁迹戾炁  
除蹤田畝豐盈行是刈而是穫黍稷成熟獲  
以簞而以舂入廩之烏邪如雲翻匙之白粲

卷三

五

若雪室家鼓腹閭里舒眉坐看大有之登奚  
啻小康之喜村村鼓舞處處謳歌白日舒遲  
長幼歡生於夏屋清風宴樂尊卑喜浹於春  
臺壽域挺椿桂之榮福鄉茂芝蘭之秀鼓琴  
鼓瑟有鏡鸞好合之華吹埙吹篪表原鶴急

難之盛蒙如丹禱允拜洪休次願臣等宴坐  
學真脩持領教精凝偃月黃庭默運於雌雄  
炁貫徧風丹室潛通於經緯獅頭綴武龍尾  
承顏入贊天工證陰功之八百出裨帝化全  
陽行之三千克爲金闕之臣永侍玉皇之案

上願三光煥耀四炁朗清地紀安寧天綱昭  
晏醴泉應瑞圖書開九有之華湛露流祥文  
軌顯八荒之象極武功於底定敷文治於時  
雍草鞠園扉慶熙熙而阜俗芝頌方域樂侃  
侃以綏邦動植咸寧飛潛均茂臣不勝虔切

之至

終獻

重稱法位

具位 臣某與臨壇官衆等謹同誠上啓

三清上聖十極玄尊圓穹之帝后仙真方域

之曹僚主執醮筵內外一切威靈以今銀河

南轉壁月西沉夜漏正中企瓊輪之欲返宵

躔已半覺瑤輦之將迴龍衢之響蹕聲沉鳳

路之鳴鞘韻冷諸天復位萬聖旋班奕奕靈

光遍十華而煒燁葱蔥佳氣覆八極以綢緼

臣不勝瞻戀激切望恩之至謹稽首再拜奉  
送聖駕

回輶頌

存神燒香

香官使者左右龍虎二君侍香詣靈宮當今

黎三

六

臣設醮行道之所自然生金液丹碧芝英百  
靈衆真交會在此香火爐前令臣學道得道  
求仙得仙熒惑消滅民物安全十方仙童玉  
女侍衛蘭煙傳臣向來所啓速達徑御

太上无極大道至真玉皇上帝御前

太乙六寶華圓滿號引出

焚燎

靈寶領教濟度金書卷之二百五十九





